

R3.5 BILLION YA MIVUYISELO YA MALI SE YI HAKERIWILE: VAHAKELAXIBALO VA HLOHLOTERIWA KU TSHIKA KU FOLA TILAYENI VA RHUMELA EKA INTHANETE

Pretoria, ti 22 Mawuwani 2019 – SARS se yi hakerile R3.5 billion ya mivuyiselo ya mali enkarhini wa Nguva ya Xibalo eka eFilers na vatirhisi va SARS MobiApp exikarhi ka ti01 Mawuwani ku fikela sweswi. Enkarhini wa vhiki ro sungula ra Mawuwani, R1.5 billion ya mivuyiselo ya mali yi tiyisisiwile no humesiwa.

Eka mavhiki yambirhi lawa ya nga sala leswaku ku fayila erhavini swi pfula, vahakelaxibalo va hlohloteriwa ku tshika ku fola tilayeni, va fayila mitlheriso ya vona eka SARS MobiApp na eFiling, naswona ku ta tirhaniwa na swikoxo swa vona no ololoxiwa hi xihatla, loko va nga hlawuleriwangi oditi. Na le ndzhaku ka ku pfuriwa ka Nguva yo Fayila eRhavini hi ti01 Mhawuri 2019, SARS yi hlohlotela vahakelaxibalo ku tirhisa MobiApp na eFiling ku kuma vukorhokeri bya xihatla no hetiseka.

Nguva yo fayila ya xibalo yi pfurile khale eka vatirhisi va eFiling na MobiApp ku pfumelela ntokoto wa xihatla wo fayila handle ko ya fola layeni erhavini, ku nyikiwa ka nseketelo wa xidijiti na vukorhokeri byo fana na Help-You-eFile lebyi hlanganisaka muhakelaxibalo na ejente ya xibalo ya SARS eku leteriweni ku ya emahlweni eka eFiling, xitirho xa *call-back* eka MobiApp na *Chatbot* leswi nyikaka tihlamulo xikan'wekan'we eka swivutiso swo karhi swa Xibalo xa Malinghena.

Endzhaku ka loko ntlheriso wa xibalo wu hleleriwile naswona vuyiselo wa mali wu fanele ku hakeriwa, swi ta teka nhlayohansi ya nkombo wa masiku leswaku wu hakeriwa, loko ku ve ku hava xikweleti lexi kolotiwaka, swiboho hinkwaswo swi fikeleriwile naswona ku ri hava ntiyisiso kumbe oditi leyi lavekaka.

Ku papalata mihlwelo, vahakelaxibalo va hlohloteriwa ku hlamula swikombelo swa tidokumente to seketela no tiyisisa vuxokoxoko bya le bangi. Leyi i mitiyisiso leyi SARS yi faneleke ku yi landzelela.

Vahakelaxibalo va tlhela va komberiwa ku tiyisisa leswaku switiviwa swa vandla ra vunharhu swo suka eka vanyiki va vukorhokeri swi lulamile na laha vuxokoxoko byebyo byi nga hoxeka, no tlhela va tivisa vanyiki va vona wa vukorhokeri leswaku va swi rhumela hi vuntshwa.

Vahakelaxibalo va nga tlhela va languta Tsalwa ra Vukorhokeri ra SARS ku kuma mikarhi yo hetisisa ya vukorhokeri.